

百名家詩選

小引

魏子曰詩道荒蕪久矣起而振之者不過一二  
人此一二人者困于畸直寡援忌與謗隨而此  
道益不可問栢鄉魏師相怒焉憂之與楊猶龍  
魏環溪申鬼盟諸君子出全力以挽之首推心  
一先生爲祭酒蓋先生裔出至聖掇巍科建牙  
魏羆治登三古以其緒餘沉酣風雅使淇濮之  
墟燦然稱文明焉余每過栢鄉取觀始溯洄二  
集所載先生詩反覆吟咏未嘗不嘆服其精細

綿密非大力深心者不能遽詣其堂奧也壬子  
春暮謀續石倉之選師相移書先生曰曩聆諄  
誨欲訂正千秋而弟河魚爲疾弗遂初願惟賴  
大君子之振舉耳茲魏子惟度以漢魏三唐爲  
寢食以懷人求友爲性命欲得咳唾珠璣光其  
琬琰而天雄諸名士凡登高能賦者皆可借以  
論次庶我輩平昔所言得以傳聲響于來葉妮  
美績于昭明矣其倡和望也如此喜先生不棄  
因邵學憲凌玉過訪郵近詩相示靜夜則吟光

生四壁不啻商彝周鼎之陸離于樽俎間也余  
驅車博望坐晚香亭下讀東晉補亡詩之章如  
搜古塚竹書作不可復得想迨閱沈詹事全集  
包括唐代爲五七言鼻祖豈但齊名宋氏非天  
雄盛事乎先生際治平之日以北門鎖鑰待命  
天子進都人士而訓誥之行見二雅三頌十  
五風可嗣美刪定又何黃初大曆之足云余且  
拭目俟之矣

原缺

寥賴此歸然時萬國蒼生心向此認其始不敢  
開觀遊齋沐思神理

天地以氣成岱爲何物化石窟藏日月四岳俱  
退舍生平稻粱謀對之氣亦霸無此廓塵日畢  
世安永夜轉謂天可尺雲與嵐相逐興到欲造  
巔居高懼難下攬勝亦已矣暫旋問岱駕

和唐人宋務光海上作

天開方生水浮天水有力壯士憤盈胸拔劍思  
人測曠觀宇宙中巨濤吞萬國時至則氣轉說

異不一色空闊盪目光天近益難識浮動不關  
風湍迴自降陟日出旣涵東月出亦照北日月  
浴其中消息安可得倏駭鼉鼓鳴萬策不得默  
蛟宮一息崩霆聲震絕域星斗湧潮來方位乖  
其職縮合地與天上下波光直賈艘入洞冥閉  
牕省素愆元氣正渾淪何處聞嘆息須臾慶安  
瀾光彩照無極橫空小鳥飛近視數丈翼

### 烟火行

上无烟火卜時豐五侯七貴鞭燭龍初知人間

燈宵盛映得空中月亦紅銅漏方滴天街暮花  
飛雲際半疑樹能工欲以巧示人青霄先生五  
里霧霧中氤氲紫影開千雷萬霆逼出來依稀  
解得蜃爲市焜爍還驚金作臺光焰激昂懸天  
半令人不敢認冷灰空中構結亦精細一層方  
盡一層繼燭火安能近晨暉但乘暝色恐非計

銅雀臺用唐人劉長卿原韻

魏武思爭日崇臺築幾層臺端一片影驅爾入  
西陵漳水茫茫去復來英雄白骨生蒼苔當年



遺命寧無重香履何事一徘徊君不見人當生  
死垂絕時笑爲真笑悲真悲却恠老瞞謫未去  
沾沾願附兒女路顯將逆跡諉後人墓道還思  
題漢處

放鱗

爾軀僅尺餘溪處量已久鱗介族亦多賦形爾  
獨醜蠕蠕不寧居戢戢不自守有喉啞不鳴無  
足殊能走隱形江海寬無端一昂首夜半聞餌  
香次第入竹筍畢命在須臾烹鼎酬杯酒貪乃

禍之媒豈是數丁九余見惻然憐解資脫其咎  
巨筐傾諸江祝爾歸原數爾却不自思游衍聚  
渡口罹患曾幾時爾胸一無有爾氣亦自豪爾  
遇不足徂羅網密于前吁嗟爾知否

高郵湖放蟹戲爲長短句

爾以甲爲身似乎能立武爾以多爲足似乎能  
通若况乎居于水之隈隱資蛟龍以爲輔伏於  
蘆之下儼以荷桂爲門戶穴盤十萬甲戈戟森  
相伍望若沉雲照若朝雨可以橫行于水艸之

間而莫敢撓其怒胡爲乎人得撤其藩亂其部  
將登擲生鼎上俎將備卑卓船頭脯爾之眉難  
有自來請得歷歷向爾數爾形不盈方素履不  
守矩機深安可洩津津逢人吐無尾亦何掉有  
日空自勞世人惟其形將疑爲跋扈禍乎禍乎  
爾自賈余獨矜其無他腸一片赤肝庶可進于  
古乃以床金贖爾身今仍放于江之滸爾其經  
患而智益明爾其玩敵而氣再鼓予亦安能全  
爾于始終卽屢縱屢擒將于爾何補

和唐人劉長卿小鳥篇

小鳥小鳥何其微問耳奚長喙且飛只緣翮短  
難摩漢簷際徘徊卜所依倏見勺粟堦前落衆  
鳥微軀欣有托白空飛下聲帶酸飽腹間遭鷹  
鷂搏更餘漏羽泣岐路一日饑腸難及暮誰知  
食在蹈危機天地廓寥無穩處到處張羅不敢  
進幾許梳翎漫自問不難一飢矢狗身復念滑  
饑有定分君不見錦雉翩翩映嘉木山下飲泉  
山麓宿自分與世絕嫌猜陌上飛飛往復迴文

羽可憐不獨賞引得王孫金彈來

中秋後二夕飲月

用沈康臣韻

壬子八月月十七西望一峯啣紫日中秋餘興  
仍命酒月亦還來佐此夕高者樓榭低者屋萬  
戶千門月中出此時却疑地作天天光垂碧亦  
如川塵腸土胃一時盡襟袂虛含秋色鮮潁陽  
方墜冥沉中飛來素照洗鴻濛不知世界幾許  
大紛紛環映桂香宮毛髮寂時寒生栗山川靜  
處窳涵風中宵不作聞鷄舞肅肅樓頭霜滿鼓

此月曾自庾樓來安見照今不似古浮生棲遲  
更逢閏昨日分光入衰鬢碧松千影歛濤聲銀  
漢一痕渡雁陣當年盜藥事沉浮空與千秋種  
衆愁天不磨月月磨世照海照桑春復秋憂自  
中來夜不寐舉酒酌月博一醉龍鍾自向澄谿  
照驚見衆星光炯碎

漁台湖中觀打魚

舟過東蒙山之麓驚見洪濤吞平陸紅曦斜映  
綠楊村數丈魚網掛茅屋漁子赤腳蹲灘頭取

網四張波底伏腥風吹動萬鱗來靜聽水中聲  
謾謾少時舉繩黑如雲河窟盡羅大小族巨魚  
暴腮氣力全失勢須臾狀不服呬起騰躍半欲  
高一反一覆矜白腹漁家妻子喧笑聲乘興競  
來空手遂無數羣小半伏辜甲敗鱗殘鬚盡禿  
世人肯施腹作棺提籠何妨市上鬻嗟爾種類  
水中藏蹴波爲城廣嗣育無端舉體供人食細  
計因緣自有夙

和唐人岑參衛節度赤驃馬歌

韓幹巧思畫不得只爲傳神不在色牽來奕奕  
態不定幾許低頭齧金勒雪霽郊原試一騎珊  
瑚剪水舉輕絲騰驤峻坂目無險却憶空中電  
轉時羽翮半生四蹄內光流千里恒自愛氣滿  
鬃開血汗流萬朶桃花風吹碎壯士年年拭寶  
刀志清豺窟義風高秦肉少逸氣彌羨飛霞顧  
盼豪往來射獵南山口石印蹄痕得未有分明  
震勵逐晨暉望裏熒熒日在後意氣相憐樂未  
央春來蹄襯陌花香稜稜迥立蒼崖上百步逢



人射異光八駿九逸那及此爲妾千萬塵沙起  
不知穀食幾何年烽火關山臥故里

和唐人李端瘦馬行

昨日蓬萊城下過驚見一馬泥途臥金蠅飛遠  
滿宮空聞蹄屈申令我傷明知毛華盡此土爛  
爛雙眸猶望鄉陌上兒童相奔逐瓦礫相欺積  
平陸瘦到骨高痛半忘病寒身中反垂腹寄語  
途間輕薄兒此馬當年誰得騎五陵道上珊瑚  
策顧盼風華爾豈知一旦不食春郊草遂與王

孫一時老願爾年年髮自青終身莫上北邙道  
冬夕友人理琵琶用唐人顧况琵琶歌韻

賦之

有客自矜琵琶好雷海區區何足道初寫中  
泯泯音雪滿寒郊生碧草一聲喚明暗中回月  
落鴻驚四面哀一生沉夢淚半盞萬事衝胸酸  
楚來歷數目前時繼武終到無聲樂亦苦震魂  
動魄豈尋常耳今日今晨爲主

和唐人李顧崔五六圖屏各賦一物得烏

孫佩刀

秋水一痕浸寶刀  
百金市錦繡爲帶  
斷盡人間  
諸不平霜色冷冷飄  
絕塞狐在後  
分羽在前色  
聲半喪雪鋒邊  
但憑氣斷山川靜  
何用開裝飽  
血泉筆墨淋淋繪  
奇狀寒生四座吃  
相向男兒  
一片借驅心佩爾  
日遊江海上

和唐人王冷然題河邊枯柳

兩岸濤聲遶縣州  
輕搖小舫入谿遊  
風物蕭蕭  
秋在目河水恒浮瘦  
日流布帆直進回  
颿口倏

見荒堤三五柳野火焚來腹盡空曩時枝葉更  
何有憶昔輕姿發早陽河畔青青列幾行驛亭  
離客恒揮淚幽閣春思暗入香斗酒雙柑何足  
道翠色吹出鶯韻好方漸無髮鬢青絲誰料無  
情爾亦老應是年來鏤露霜丁下漸到斧斤鄉  
東風再過不相顧萬事榮枯淚滿裳

和王貽上洗象行

廊門之外一溪碧驚見途人奔絡繹兒童狂呼  
洗象來數對旂旗映日赤岸頭簡點二十四一

一綫向弘波陸半沉半浮浩氣舒縱放奔逸不  
成隊衝突似與鼉鼉戰濤飛千尺杳不見身無  
鱗甲入蛟城踏破琉璃萬族驚盪淨塵緇氣益  
壯出沒奇恣嘯巨浪倏然昂首捲飛泉無數暴  
霖噴陸上天庖祿食比諸郎入朝步步塵王章  
山野初來昧儀度瓜牙半斂鐵鉤旁但謂天恩  
霜萬里區區不忍憶遐荒浴罷歸來暮鼓動萬  
人隨之聲沸洶應慚無技負龐身羞聽途誇帝  
室珍

和魏惟度墜馬作

魏博城中駐高客入座春風飲和易狂來拔劍  
舞樽前醉後濡毫酒寒夕昨聞命酒鍊珍堂淳  
于三斗方離席珊瑚鞭舉跨雕鞍電發風生驚  
汗赤月明奕奕走康莊鋒銳高數尺驂驅  
自是思出羣怒抖龍文矜錫歸候低倏昂向空  
嘶數挽青韁不轉額五花盤馬飄若雲一笑臨  
風墜劍易愛爾神駿量有心陶賞何須論順逆  
君不見曼卿當年遇差同還幸學士原爲石刻

溪翁相潮陵嘯寒廓寰中聽子役利害且讓騰  
馬人仰天長嘯霜華白

贈吳星吉次韻

君！如石殊是奇青懸一字孰能移戎濤才調  
唯清終賈年華更富詩五岳盤胸時造景千  
秋命筆不經思近來藝苑風淆甚展玩佳篇自  
得師

讀魏惟度諸集賦贈

次原韻

先生慧照亦何奇月旦羣倫卓不移論定近歸

草野筆時流再見漢唐詩隨心杯斝傳新語寓  
目煙雲發綺思文柄一麾爭易響元音未替足  
相師

題買臣婦

樵子叩門入期吟飛空半不知婦意乖猶勸炊  
晨爨有婦前致詞鏡分在令且樵子五中崩但  
視牀前幔隣里訛生計未初竟難畔或言衣食  
微胡爲恩中斷良人貌楚楚日出無沉翰簫鼓  
聲漸遠局戶惟聞嘆



署齋酒坐限賦落花

昨日鳩聲報春暮方見陌頭花滿樹含葩吐萼  
色色鮮無端惹得封姨如數痕彩雨飄空際次  
第辭枝少沾滯風力更復載之升搖曳東西無  
定計映日懸知影難掃乘烟自矜芳魄好徘徊  
良久倦欲投繁草露苦何顛倒試問郊原分幾  
片滿目逶迤白與茜轉側猶思返故枝無奈青  
陽曾已餞燕壘年來委舊棟鎮日呢喃若爭訟  
化作香泥登畫堂霞彩雲光日與共

過栢鄉邑呈魏相國

邨南秋色幾千尋  
驚見軒車入紫林  
登闕原修司馬業  
還山恰合季鷹心  
平泉樹影簾前度  
長樂鍾聲戶外沉  
近代詞壇尊執耳  
聳身世表好高吟

魏惟度以所刻魏相國嶼舫集見示喜而讀之因賦贈

太平宰相自朝還  
楓葉紅飄十月天  
勲伐曾經鐘鼎記  
文章將並古今傳  
幽情不剪窓前草  
慧

業能生活上逆歷述遭逢多盛事絕無五噫出  
關篇

題沈石川山水限韻

何處動幽討蕭疎見碧林危峰直摘斗野樹密  
藏仙溪轉波猶動雲垂氣欲森問誰傳妙墨盡  
日常座傑

月夜雅集贈魏惟度

李杜文章不可尋羨君蔚起繼高深豪懷到處  
爭投輅賦價何須更碎琴名勝悉歸刪定筆風

靜證古今心樽前何惜同拚醉滿目空明月  
出林

月夜雅集贈吳星若

問君何日事幽尋閱歷烟雲冬已深幾度霜風  
吹寶鐲半裝涼月照瑤琴慙將山水發奇氣欲  
向詩文覓素心落露天涯斗酒在梅花取次綴  
寒林

山居 次麗惟度韻

新採山崖水汲溪數椽牢構石橋西閒來挾瑟

送鴻鴈醉後彎弓射錦鷄  
四面烟空孤岫聳一  
痕月映萬岡齊  
楓林聊見秋風動  
吹得繁蟬不  
住啼

農居

峭壁茅簷俯碧溪  
崎嶇那復辨東西  
春秋無曆  
唯荒雁明晦多雲  
但聽鷄日腳每從  
窓上度松  
稍差與戶雲齊  
興來對酒峯頭坐  
時有幽禽隔  
澗啼

樓居

百尺雕梁瞰碧溪巍然孤峙夕陽西閒從空際  
吟鸞鳳靜向雲中聽大鷄霧重願同千樹隱烟  
消爭與一峯齊此閒正欲深求我寄語春禽莫  
亂啼

茅居

蘼蘼斗室近前溪書卷騎驢石磴西客少廚中  
無野雁變深窻下有浮筠風吹籬院秋先到日  
冷柴門光自齊解得是貧非是病衰癯何事向  
人啼

鄮居

賦雄百雉俯長溪  
高下亭臺繡陌西  
幾處王孫金市馬  
誰家年少袖懷鷄  
風生華轂門前過  
霞舉衣冠座上齊  
閱歷世情心似水  
青槐日落聽烏啼

船居

脩然一棹入長溪  
泛宅浮家過嶺西  
時往時來灘上鳥  
半宮半徵島中鷄  
波心夜見星光滿  
帆影晨占風色齊  
紅蓼綠蓑傳世業  
春來唯聽鷓鴣啼

鵲啼

水居

近成小築傍山溪  
垂柳青青覆屋西  
春入芳塘飛素鷺  
秋生苔徑竄莎鷄  
經年日出光恒暗  
夜半龍吟聲不齊  
滿目空濛濠上意  
曦宮無復赤烏啼

村居

間閒十畝引長溪  
烟火多家麥壠西  
梳土三春憐瘦犢  
催耕半夜寄荒鷄  
風吹杏圃青帘動  
月



借蘆塘素色齊  
偷社醉年競擊鼓  
笑將梨棗慰  
兒啼

郗公榮年兄有咏荊卿二絕發義明確自  
是特筆因擬五言一首自知續貂然欲  
生刼以報太子此荊卿之所以敗也篇  
中蓋深惜之荊卿有靈不知亦肯余  
言否

延燕亦有策  
織秦亦有名  
車騎募劍術  
崎嶇不易成  
荊卿原卓犖  
太子分誼明  
恩深無險阻  
慨

然仗劍行賓客盡衣白擊筑亦商鳴義肝相激  
勵無一願卿生既入虎狼國論勢無兩平環逐  
不一決詎希曹沫盟惜哉蜀中七空發銅柱聲  
燕秦事已矣易水迄今清

冬夕天雄文昌閣雅集

次魏惟度韻

寒暄驅日月百歲成朝暮何處五湖舟那知三  
島路劉伶製酒文陸羽修茶具天地寄瀟灑行  
藏守澹素論交胸貯雪尚古罕聞霧塵志滌樽  
壺幽情占北賦霜華澄醉眼長嘯震林樹

長至後夜集限詠瓶菊

朔氣泠泠入畫堂隆冬何處菊花香  
屏間不改三秋色簾外空飄十月霜  
世眼惟知欽晚節幽姿尚欲領初陽  
憑將斗酒消寒夜却比東籬引興長

觀典寓都偶吟八律

陡開霽色聽啼鴉殿閣崔巍映早霞  
昨日龍樓占太史今朝鳳詔入誰家  
宋姚登闕才名盛廣受歸林清節嘉  
却恠漢文無事世封章尚自

有長沙

長安雪霽淨平沙  
聳漢樓臺一望賒  
岸柳垂絲恒繫馬  
庭槐舒碧靜喧鴉  
晨光劍佩三公騎  
日暮歌鐘七貴家  
自嘆無才襄景運  
空將衰鬢度芳華

黑衣年少侍宸居  
休沐翩翩下玉除  
家散千金常贖劍  
爵封萬戶豈須書  
西閣詞客囊琴至  
南國佳人奉櫛初  
功勒凌煙傳世永  
浮生方不負居諸

京邑繁華莫與儔  
朱輪華轂闢神州  
世卿雅命  
超宗鳳戚里爭馳王愷牛  
雨過春城花氣細  
風清亭館樂聲幽  
四封共慶烽煙息  
碧甕香泉盡日流

綰綬風塵日緘愁  
誰期燕市復重遊  
流光已入三秋鬢  
世事何堪一轉眸  
癸瑟齊門術未盡  
吹笙繼嶺願難酬  
逢人莫述升沉話  
且看春雲映酒甌

策馬康衢作冶遊  
青槐夾道映高樓  
霞光半向

朱梁起素月多從玉砌流  
匏斗量珠分趙女  
羅貯酒酌亭侯  
名花語鳥春常住  
不信人間有  
十洲

令節欣逢月色圓  
千圍紅炬照亭臺  
誰人醉跨  
雕鞍過有女紛乘油幕來  
清晏昨聞頒彩勝  
喧闐何處見南陔  
六鰲雙鳳真奇巧  
雅羨岐公作  
賦才

聳秀西峯風景幽  
芒鞋却好踏芳遊  
雨來柳谷  
煙常泛日射桃溪水  
自流青嶂却能開  
道眼紅

塵終是白人頭何時結屋蒼崖下卧看嵐光空際浮

過信陵湯沐邑

濁世翩翩公子名平原曾借信陵兵秦王方欲西稱帝魏將何能北救卿卧内竊符愚晉鄙市中執轡感侯嬴縱狀全得婚姻國湯邑難匡矯制聲

冬夕攜觴過惟度星若寓中

筆靜五花閒孤霞飛薄暮幽齋夕影寥欸段衝

霜路回首顧奚童短衣攜酒具有客事高吟襟  
期相映素掀髯笑譚閒朗然散寒霧精舍貯空  
明競製嶮光賦歸途醉色酡星落橋邊樹

勘任邑邢家口水災

極目蘆花滿一區漳流幾處沒平蕪白洋尚立  
梳翎驚青陌時奔濡尾狐不見將軍爭築土空  
聞農令課徵輸荒原駐馬增惆悵試問殘黎有  
也無

途次苦暑



客路晴雲烘太行塵飛馬首汗如漿沿堤垂柳  
千絲靜摩漢流鶯幾點黃何日泛舟歸鑑水有  
時伏榻夢瀟湘徘徊無計消炎暑憶見商羊舞  
道傍

途次喜雨

煙泛疎林日氣涼樹頭風動見鳩忙斜飛電影  
千峯紫半瀉清光萬彙芳麥隴自今占秀實田  
家無復嘆輸將微官素少匡時畧且倚天工澤  
一方

春日雨中飲成相國素園用壁間詩韻賦

贈

四境烽消鬬戰旌欣聞相府奏新聲苔痕滿徑  
浮春碧花氣吹樽帶雨清鄴架縱觀龍篆古經  
峯隱聽鶴笙鳴獨憐經歲塵飛鬢棹入桃源自  
不輕

四境烽消鬬戰旌香浮碧甕瀉濤聲函中秦漢  
風原占枕上羲皇夢自清五岳雲生封鶴跡三  
春花發聽禽鳴太平却有山間相多少蒼生繫

重輕

素園綠牡丹

何處名園產異葩。洛陽富貴漫相誇。移來蓮壑  
多疑葉種入篁叢。不見花色。收春樽將進酒香。  
飄譚塵欲浸茶。蕭疎轉勝胭脂艷。慚愧當年姚  
魏家。

日映芳叢露漸晞。洛陽丰艷古今稀。葩含尚憶  
朱霞爛。葢綻方驚翠霧飛。漢女昨遺青玉珮。幽  
人新製碧荷衣。空濛花葉香何處。寄語遊蜂莫

亂依

邵凌玉年兄修大名志成賦贈

巍肱雄鎮控群州典冊無傳嗣世愁  
欲考國風知正變應從野史繼春秋  
興亡有感多忠孝月旦無私任馬牛  
常恠龍門羞處士知君端不負清流

恆麓映翠

突兀煙巒歲一新四時芳藹動初春  
霖飛石磴常浮碧風過疎林不泛塵  
雲窟應通仙島路青

谿宜卧武陵人相逢盡是芒鞋客慚跼勞勞綰  
綬身

東館春華

青青籬舍郡城東父老班荆誦東公亂後還畱  
郊草碧時平遍見野棠紅雲生珠樹鳩鳴雨日  
耿雕梁燕舞風誰道山陰勞應接三春佳勝在  
天雄

天雄西郊飲樹後園

次邵凌玉年兄韻

芳草浮西陌遊人暫駐幬燕巢丹棟綴鳩宇碧

林黏雲影生杯底  
春思吐筆尖  
奚囊丘壑滿  
尚自檢牙籤

前題

次孫雪嵐年兄韻

方池涵水碧  
雨後浪紋添  
石徑鋪碁局  
煙村掛酒帘  
鶯聲清午榻  
燕語度疎簾  
野興何能盡  
桃花笑久淹

偶遊天雄興化寺詩以代偈

孤鐘來遠寺  
縹緲滌煙中  
曲徑開斜日  
疎林度晚風  
庭前參柏碧  
法界續燈紅  
誰是曹溪嗣  
翛

朕天際鴻

題憲臣榛苓卷

榛苓誰氏筆展卷一徘徊  
惟石排空峙崇樓映日開  
朝雲垂舞袖焚素上歌臺  
謝傅耽絲竹千秋仰盛才

題憲臣行樂圖

片幅飄佳墨能傳素石翁  
鬚眉三岳氣杖履五湖風  
薄祿灰心後高山放志中  
翛然調靜鶴晚照映簾紅

雲石秀區

寥廓雲光半掩扉三峯對峙掛朝暉開簾但覺  
匡廬近時有真人控鶴飛

甘泉仙梵

浮牛何事逐塵名欲墜楞迦澹世情遙見僧歸  
雲外寺西風吹碎木魚聲

春日成園讌集

有客囊琴過素園危峯高峙水潺湲蒼茫那是  
青谿口流出桃花靜不言



清澗春來浴紫鴛臨流揮塵到黃昏風吹花影  
參差動松際斜飛月一痕

雙山聳秀

峭巘凌空半欲飛屏開碧玉映朝暉幽人省得  
嵐光濕昨剪新荷製作衣

古栢參天

霜標植自漢皇年閱歷春秋幹益堅梓澤園中  
一夕雨却輪桃李片時妍

旅中午夢

欵段平驅驛路遲聊安片榻待斜曦鄰家清磬  
驚殘夢正是東軒種竹時

旅夜讀史

驛館蕭蕭百事疎剪燈靜讀腐遷書偶狀會得  
古人意掩卷無言步出廬

宋子飛年兄自粵西告歸賦贈八律

俱次原韻

聞子方辭祿思尋安樂窩一官平險熟三徑菊  
松多登嶺舒長嘯瞻天發浩歌願言贈隱服代  
剪綠池荷

其二

屈指君歸日鱸魚泛自江一尊酬夕岫半榻卧  
南窗芳野呼鳩杖煙谿放釣艫閒來煮絳雪雲  
際下金幢

其三

夙駕歌行邁孤裝出粵西遺琴懸畫壁載石渡  
長溪旣少三多夢何堪二豎棲追隨尋藥草陟  
巘手同攜

其四

浮名終有盡石火轉眸時  
闢徑延雲月修園聽鼓吹  
老窺詩律細靜卜世情移  
猿鶴頻年望回車莫再遲

其五

宦轍分馳後徒悲道路長  
關河自險阻雲物轉蒼茫  
野鶴凌空遠歸鴻落木涼  
東籬秋色到來菊花香

其六

雲光滿上谷客子卧郵亭  
雞肋難酬志羊裘欲

遁形晨霜吹畫角夜雨冷簷鈴應卜思遠濡  
毫書紙屏

其七

金風驅剽暑淅瀝夕光微有客矜投憤何人遂  
拂衣全生資五畝養志閑雙扉蓮社昨傳約酒  
徒却許歸

其八

世外尋幽賞青峯對素心陶公昨掛冕姜子曰  
擁衾曦影涵裝瘦河光映淚深粵中勞父老北

望作長吟

新正咏雪三首

竹軒小史報梅開令序餘閒啓舊醅淅瀝乍驚

天雨粟空明疑是月鋪臺嘗祈陌上青竿

稱秀名

更慮寒郊赤羽來從此榆枌歌大有邦畿南北

淨塵埃

霧隱朱曦久未開朔風何事促春醅漫煩靜響  
頻敲戶欲滌塵襟獨上臺詩客昨乘驢背去幽  
人適綴鶴衣來霏霏只見寒花墜覆盡天街絕

點埃

何事樓臺照眼明  
東阡西陌雪吹平  
鮮浮有象風前舞  
靜到無聲霧裏生  
貫酒人從橋上過  
寄梅使在隴頭迎  
凭高望遠無邊景  
寥廓襟獨倚楹

茅山紀遊

蕩漾烟光驛路迷  
尋芳晚過石橋西  
花阡踏破香風起  
小犬籬邊吠馬蹄

曉發

烟泛林端知幾重峰頭微見日華曛石溪南畔  
多精舍尚有鐘聲未出松

新霽

遙望霞飛碧落閒花香鳥語自幽閒偶因覓句  
衝苔徑何事輕烟尚隱山

茅山下宮

竹榻斜凭日色曛幽畧花氣靜中聞開書但覺  
朱燈暗起視牕前半是雲

茅山上宮



巍巍石磴滿青松上下嵐光織幾重遊客不知  
山有寺輕風飄出一聲鐘

西湖紀遊

長湖平淨曉烟冷幾處笙歌醉醺醺多少嵐光  
空際落輕舟載得萬峰青

飄然片舫杳何之心醉湖光歸去遲涼月一痕  
松際出快逢水面見山時

玉岑僧房

蘿壁涼風散曉鐘山腰碧處盡長松鳥歌簾外

禪房靜一局清枰花影重

昭慶寺

殿閣崔巍湖渚間梵音高舉自幽閒門前似掛  
王維畫夕照多宜雨後山

湖心亭

遙望孤亭思一臨小舸載酒問湖心須臾水面  
微風起烟雨千重何處尋

吳山

何代傳流山是吳亭臺高下入途迂千峰滴翠

知多少。半落城中半落湖。

斷橋漾月

醉倚石欄。夕色微清。歌一曲。和應稀。漾漾湖上  
烟光滿。密繞千山。月不飛。

湖魚

沅澗千頃。泳羣鱗。日啖花光。計不貧。隨意浮沉  
宜自得。石磯垂釣。久無人。

放鶴亭拜和靖先生墓

和靖先生。百代身荒。墟一閉。幾經春。松楸近。亦

多間鶴空舞亭前無主人

登湖心亭遠眺

三百青山一百城滄波千頃礎邊生錦帆渺渺  
衝烟去貰酒人從橋上行

南屏山

近來身在畫圖間賓客盈船笑語閒方過南屏  
青未了回頭烟起是孤山

壑巷

崎嶇石徑入雲堆獨木橋邊古壑哀行到萬竿

脩竹處。一聲清楚有僧來。

曉汎

烟堤幾度柳。香小舫沿行。雲水鄉空際。樓  
迎曉色。誰家少婦。倚新粧。

雨中望南屏

南屏日。峙聖湖東。四野霖飛入。望空一道白光。  
開遠目。半峰插在亂雲中。

保叔塔

山岡峭峙。幾經年宿月。棲雲瑞色鮮。自是西湖。

渾似畫何須彩筆更描天

梅花嶼

乃和靖先生故宅

烟月叢中不紀春生平無志羨蒲輪翛然獨立  
風塵外應是梅花化作身

孤山寺

孤刹懸山山勢巍嵐光澹澹散朝暉石谿鐘到  
人回首飄渺樓臺帶雨飛

登赤霞山

山巔渺渺夕烟濃杖履翛然歷幾重驚見騎霞

生峭壁飛來一片欲燒松

水月樓

胡梅林構以居徐文長也

誰道先生亦買山。小樓斜倚翠微間。流傳筆墨知多少。水月于今却也閒。

落書樓

戴文進故居進書西湖圖妙絕古今

爛熳湖山一卷收。雨絲花片寄情幽。西泠勝蹟高低見。那是君家落書樓。

昭慶寺居心樓

予所旅寓處也

小樓斜倚山之岡。夕照烘牕卻亦涼。趣得頑雲

今不在臨池摹出十三行

居心樓雲

自出山楹何處歸樓臺半隱夕光微坐來漸覺  
衣裳溼及至開窗一片飛

登天然圖畫閣遠眺

朝登高閣嶺松香五月榴風尚帶涼正在閒評  
名勝處千山隔斷一錢塘

寶石山梵刹

杖屨常經蘭若邊石臺莎煖亦堪眠晨光映得



山川白鏡出青松一縷烟。

朱淑真墓

淑真爲錢鼎閔秀善詩工書嫁市僧憤悶而死遺詩名聞陽集

蛾眉歛盡入圯墟腸斷當年一卷書地下何須  
悲寂寞西陵橋畔小青廬。

梅圃

依稀樹影未能齊暗度香風亦不凄醉倚石屏  
閒待月霜空夜半一鳥啼

片雲石步月

石溪月冷暗泉流滌暑多宜午夜游古剎斜懸

空際影一聲清磬萬山秋

上天竺

川巖環拱象王宮  
花竹幽深度細風  
每見晨昏多氣色  
紅塵不到碧霞中

中天竺

禪院幽深別有春  
飛泉觸石日鄰鄰  
幾行杖履苔痕破  
小犬花邊解吠人

下天竺

空王閣下度微風  
碧牖朱窗日影曛  
偶坐石牀

翻貝葉銀蟬紛竄梵文中

趙好好墓

好好錢塘名妓善詩工書擅美一時

傾城一笑待如何墓艸空憐日盆多時有香燐  
浮夜月溪頭愁聽採蓮歌

香林洞

洞口花光映日暉聊將綠醴醉芳菲歸來沿路  
多蝴蝶尚繞衣襟不住飛

曼碩艸堂

揭奚斯耽情山水高逸不仕

艸堂隔斷半溪雲當日高風千古聳惹得詞家

詩滿壁曾無人獻北山文

叢桂

冷若梅花靜若蘭  
風吹黃萼日珊珊  
夜來素月叢邊過  
帶得幽香入廣寒